

## 1996 nr. 94 14. júní

### Lög um staðgreiðslu skatts á fjármagnstekjur

Tóku gildi 25. júní 1996; komu til framkvæmda 1. janúar 1997. *Breytt með 1. 133/1996 (tóku gildi 18. des. 1996), l. 82/1998 (tóku gildi 1. okt. 1998), l. 90/1998 (tóku gildi 24. júní 1998; komu til framkvæmda skv. fyrirmælum í 4. gr.), l. 84/2000 (tóku gildi 1. ágúst 2000), l. 133/2002 (tóku gildi 1. jan. 2003), l. 129/2004 (tóku gildi 31. des. 2005), l. 134/2005 (tóku gildi 30. des. 2005), l. 150/2006 (tóku gildi 30. des. 2006), l. 174/2006 (tóku gildi 1. jan. 2007 nema 2. gr. og a-liður 8. gr. sem tóku gildi 30. des. 2006 og b-liður 6. gr. sem tóku gildi 1. jan. 2008; komu til framkvæmda skv. fyrirmælum í 10. gr.), l. 76/2007 (tóku gildi 5. apríl 2007; komu til framkvæmda skv. fyrirmælum í 9. gr.), l. 38/2008 (tóku gildi 29. maí 2008 nema 8. gr. sem tóku gildi 1. jan. 2008; komu til framkvæmda skv. fyrirmælum í 9. gr.), l. 88/2008 (tóku gildi 1. jan. 2009 nema brábkv. VII sem tóku gildi 21. júní 2008), l. 70/2009 (tóku gildi 30. júní 2009 nema 1.–3. gr., 12.–26. gr. og brábkv. V og VI sem tóku gildi 1. júlí 2009, 4. gr. sem tóku gildi 1. sept. 2009 og brábkv. IV sem tóku gildi 16. júní 2009; komu til framkvæmda skv. fyrirmælum í 29. gr., sbr. l. 97/2009 (tóku gildi 3. sept. 2009), l. 128/2009 (tóku gildi 30. des. 2009 nema 2.–6. gr., 2. efnismásl. b-liðar og c-liður 7. gr., 10.–12. gr., 1.–4. tölul. a-liðar og b- og c-liður 13. gr., 14.–17. gr., 21.–23. gr., 25.–31. gr., b-liður 32. gr. og 33.–40. gr. sem tóku gildi 1. jan. 2010 og 1. efnismásl. b-liðar og d-liður 7. gr. sem tóku gildi 1. jan. 2011; komu til framkvæmda skv. fyrirmælum í 41. gr.), l. 136/2009 (tóku gildi 1. jan. 2010), l. 164/2010 (tóku gildi 1. jan. 2011 nema 2., 6., 22. og 26. gr. sem tóku gildi 31. des. 2010; komu til framkvæmda skv. fyrirmælum í 29. gr.), l. 165/2010 (tóku gildi og komu til framkvæmda skv. fyrirmælum í 69. gr.), l. 24/2011 (tóku gildi 23. mars 2011), l. 82/2011 (tóku gildi 1. sept. 2011 nema brábkv. sem tóku gildi 30. júní 2011), l. 126/2011 (tóku gildi 30. sept. 2011), l. 145/2012 (tóku gildi 1. jan. 2013 nema 4. og 5. gr. sem tóku gildi 1. apríl 2013), l. 33/2015 (tóku gildi 1. júlí 2015; komu til framkvæmda skv. fyrirmælum í 22. gr.), l. 47/2015 (tóku gildi 1. jan. 2016 nema brábkv. og 22. og 23. gr. sem tóku gildi 15. júlí 2015), l. 124/2015 (tóku gildi 1. jan. 2016 nema 12. og 34. gr. sem tóku gildi 31. des. 2015; komu til framkvæmda skv. fyrirmælum í 35. gr.), l. 112/2016 (tóku gildi 25. okt. 2016 nema 1.–5., 8., 13.–15. og 18.–19. gr. sem tóku gildi 1. jan. 2017; komu til framkvæmda skv. fyrirmælum í 21. gr.), l. 96/2017 (tóku gildi 31. des. 2017 nema 1., 11., 13., 14., 17.–27., 31.–35. og 38.–46. gr. sem tóku gildi 1. jan. 2018; komu til framkvæmda skv. fyrirmælum í 49. gr.), l. 50/2018 (tóku gildi 1. júní 2018) og l. 142/2018 (tóku gildi 1. jan. 2019; komu til framkvæmda skv. fyrirmælum í 48. gr., sbr. einnig brábkv. í s.l.).*

Ef í lögum þessum er getið um ráðherra eða ráðuneyti án þess að mállefnasvið sé tilgreint sérstaklega eða til þess vísað, er átt við **fjármála- og efnahagsráðherra** eða **fjármála- og efnahagsráðuneyti** sem fer með lög þessi.

#### Upphafsákvæði.

##### ■ 1. gr.

- Innheimta skal í staðgreiðslu [22%]<sup>1)</sup> tekjuskatt til ríkissjóðs af vöxtum og arði eins og nánar er kveðið á um í lögum þessum. Staðgreiðsla samkvæmt þessum lögum er bráðabirgðagreiðsla tekjuskatts nema annað sé tekið fram.
- Hjá lögaðilum, sbr. 2. gr. [laga nr. 90/2003, um tekjuskatt],<sup>2)</sup> og hjá einstaklingum vegna fjármagnstekna er myndast í atvinnurekstri þeirra eða sjálfstæðri starfsemi skal réttilega ákvörðuð og innborguð staðgreiðsla á fjármagnstekjur vera bráðabirgðagreiðsla upp í væntanlegan álagðan tekjuskatt eða önnur opinber gjöld sem lögð verða á sílka rekstraraðila.
- Gera skal grein fyrir vaxtatekjum og arði ásamt öðrum fjármagnstekjum, svo og afdreginni staðgreiðslu á skattframtíali eða eftir atvikum greinargerðum, að tekjuári liðnu. [Ríkisskattstjóri]<sup>3)</sup> skal annast álagningu og fylgjast með að staðgreiðslu hafi verið skilað.

<sup>1)</sup> L. 96/2017, 9. gr. <sup>2)</sup> L. 129/2004, 115. gr. <sup>3)</sup> L. 136/2009, 84. gr.

#### Skattskyldir aðilar.

##### ■ 2. gr.

- Skyldir til að greiða skatt skv. 1. gr. og sæta innheimtu í staðgreiðslu hans eru allir þeir sem fá vaxtatekjur og arðstekjur, sbr. þó 3. mgr.
- Greiðsluskylda samkvæmt þessari grein tekur til þeirra lögaðila sem undanþegnir eru skattskyldu [skv. 1., 2., 4., 5., [6.],<sup>1)</sup> [7. og 8. tölul.]<sup>2)</sup>]<sup>3)</sup> 4. gr. [laga nr. 90/2003, um tekjuskatt].<sup>4)</sup> Réttilega ákvörðuð og innborguð staðgreiðsla þessara aðila er fullnaðargreiðsla án þess að fram þurfi að fára

frekari ákvörðun eða álagning tekjuskatts á vexti eða arð hjá þeim. Þó skulu þeir aðilar, sem þessi málsgrein tekur til og sjálfir annast um innheimtu vaxta í eigin lánaumsýslu eða fá vaxtatekjur sem ekki er dregin af staðgreiðsla, t.d. afföll eða gengishagnaður, skila greinargerð um þær vaxtatekjur til skattyfirvalda og standa skil á [22%]<sup>5)</sup> tekjuskatti af slíkum vöxtum að tekjuári loknu, [sbr. 7. gr.]<sup>6)</sup> Þeir aðilar, sem þessi málsgrein tekur til og hafa aðrar fjármagnstekjur en vexti og arð, skulu sömuleiðis standa skil á [22%]<sup>5)</sup> tekjuskatti af slíkum tekjum að tekjuári loknu, [sbr. 7. gr.]<sup>6)</sup> Skal ríkisskattstjóri setja nánari reglur um skilagreinar og skil í þessu sambandi.

□ Undanþegnir skyldu skv. 1. mgr. eru: . . .<sup>7)</sup> erlend ríki og alþjóðastofnanir, Lánaþjóður íslenskra námsmanna, Byggðastofnun, Byggingarsjóður ríkisins, Byggingarsjóður verkamanna, [Íbúðalánaþjóður],<sup>1)</sup> Framkvæmdasjóður fatlaðra, Framkvæmdasjóður aldraðra, Framleiðnisjóður landbúnadarins, [Nýsköpunarsjóður atvinnulífsins, Fiskræktarsjóður],<sup>1)</sup> Lánaþjóður sveitarfélaga [hohf.<sup>8)</sup>] og Lánaþjóður Vestur-Norðurlanda, Seðlabanki Íslands, [sjóðir sem starfa samkvæmt lögum um verðbréfasjóði, fjárfestingarsjóði og fagfjárfestasjóði, nr. 128/2011],<sup>9)</sup> lánaðstofnanir sem skattskyldar eru samkvæmt lögum nr. 65/1982, með síðari breytingum, [verðbréfafyrirtæki, sbr. 5. tölul. 1. mgr. 4. gr. laga um fjármálaþyrtæki, nr. 161/2002, verðbréfamiðstöðvar, sbr. lög um rafræna eignarskráningu verðbréfa, nr. 131/1997],<sup>9)</sup> [líftryggingafelög, sbr. 23. gr. laga nr. 60/1994, og lífeyrissjóðir, sbr. lög um skyldutryggingu lífeyrisréttinda og starfsemi lífeyrissjóða],<sup>10)</sup> [og starfstengdir eftirlaunasjóðir, sbr. lög um starfstengda eftirlaunasjóði].<sup>11)</sup>

<sup>1)</sup> L. 165/2010, 23. gr. <sup>2)</sup> L. 33/2015, 12. gr. <sup>3)</sup> L. 128/2009, 32. gr. <sup>4)</sup> L. 129/2004, 116. gr. <sup>5)</sup> L. 96/2017, 10. gr. <sup>6)</sup> L. 133/2002, 1. gr. <sup>7)</sup> L. 84/2000, 7. gr. <sup>8)</sup> L. 150/2006, 5. gr. <sup>9)</sup> L. 124/2015, 18. gr. <sup>10)</sup> L. 90/1998, 1. gr. <sup>11)</sup> L. 76/2007, 8. gr.

#### Skilaskylda.

##### ■ 3. gr.

- Skylda til að draga staðgreiðslu af vaxtatekjum og afföllum og skila í ríkissjóð hvílir á innlendum innlánsstofnum, verðbréfafyrirtækjum, verðbréfamiðlurum, eignarleiguþyrtækjum og öðrum fjármálastofnum, lögmönnum, löggiðum endurskoðendum og öðrum fjárvörlsuaðilum, tryggingafelögum, svo og sérhverjum öðrum aðilum sem hafa atvinnu af fjárvörsli, milligöngu eða innheimtu í verðbréfaviðskiptum eða annast innheimtu fyrir aðra. [Sama gildir um aðila skv. 1. og 2. tölul. 4. gr. laga nr. 90/2003, um tekjuskatt].<sup>1)</sup>
- Skylda til að draga staðgreiðslu af arði og skila í ríkissjóð hvílir á lögaðilum, sbr. 1. tölul. 1. mgr. 2. gr. [laga nr. 90/2003, um tekjuskatt].<sup>2)</sup>

<sup>1)</sup> L. 128/2009, 33. gr. <sup>2)</sup> L. 129/2004, 117. gr.

#### Skattstofn.

##### ■ 4. gr.

- Vaxtatekjur til staðgreiðslu samkvæmt lögum þessum teljast vextir og afföll, sbr. 8. gr. [laga nr. 90/2003, um tekjuskatt],<sup>1)</sup> svo sem:

1. Vextir af innstæðum í innlendum bönkum, sparisjóðum og innlánsdeildum samvinnufélaga, á póstgíróreikningum og orlofsfjárekningum, svo og vextir af verðbréfum sem hliðstæðar reglur gilda um samkvæmt sérlögum. Til vaxta teljast enn fremur verðbætur á höfuðstól og vexti, verðbætur á inn-eignir og kröfur sem bera ekki vexti og happdrættisvinningar sem greiddir eru í stað vaxta. [Til vaxta telst enn fremur innleystur gengishagnaður á staðgreiðsluári skv. 4. tölul. 2. mgr. 8. gr. laga nr. 90/2003. Sama á við um innleystan gengis-

hagnað sem fellur til frá einu greiðslutímabili til annars innan staðgreiðsluársins.]<sup>2)</sup>

2. Vextir af stofnsjóðseign í gagnkvæmum våtrygginga- og ábyrgðarfélögum, kaupfélögum og öðrum samvinnufélögum, sbr. 2. tölul. 1. mgr. 2. gr. [laga nr. 90/2003, um tekjuskatt].<sup>1)</sup>

3. Vextir hjá innlendum aðilum af sérhverjum öðrum innstæðum og inneignum en um getur í 1. og 2. tölul., þar með taldir vextir af víxum, verðbréfum og öllum öðrum kröfum sem bera vexti. Með vöxtum teljast einnig verðbætur og happdrættisvinningar á sama hátt og um getur í 1. tölul.

4. Hvers kyns tekjur af hlutdeildarskíteinum.

5. Hvers kyns tekjur af lífeyristryggingum, söfnunartryggingum, einstaklinga hjá tryggingafélögum.

6. Hvers kyns aðrar tekjur af peningalegum eignum sem telja má til vaxta af þeim, sbr. þó 2. mgr.

□ [Ekki skal telja gengishagnað skv. 5. tölul. 1. mgr. 8. gr. laga nr. 90/2003 til stofns til staðgreiðslu.]<sup>2)</sup> Um skattgreiðslu af slíkum tekjum fer eftir [lögum nr. 90/2003, um tekjuskatt],<sup>1)</sup> og skal skatturinn ákvárdar við álagningu opinberra gjalda næsta ár á eftir tekjuári ásamt á lagi á skattfjárhæðina samkvæmt þeim lögum.

□ [Stofn til staðgreiðslu sem arður samkvæmt lögum þessum teljast tekjur, sbr. 4. og 5. tölul. C-liðar 7. gr. [laga nr. 90/2003, um tekjuskatt],<sup>1)</sup> þ.e. fjárhæð sú er félög skv. 1. og 2. tölul. 1. mgr. 2. gr. [laga nr. 90/2003, um tekjuskatt],<sup>1)</sup> greiða eða úthluta, [að undanteknum arði sem úthlutað er á milli aðila sem samskattaðir eru skv. 55. gr. laga nr. 90/2003, um tekjuskatt, með síðari breytingum]<sup>3)</sup><sup>4)</sup>

<sup>1)</sup> L. 129/2004, 118. gr. <sup>2)</sup> L. 165/2010, 24. gr. <sup>3)</sup> L. 174/2006, 9. gr. <sup>4)</sup> L. 133/2002, 3. gr.

### Afdráttur staðgreiðslu.

#### ■ 5. gr.

□ Afdráttur staðgreiðslu af vöxtum skal fara fram eins og nánar er kveðið á um í þessari málsgrein:

1. [Staðgreiðsla af vöxtum skv. 1.-3. tölul. 1. mgr. 4. gr. skal fara fram þegar vextir eru greiddir út eða færðir eigaða til eignar á reikningi, sbr. 1. og 2. tölul. 1. mgr. 4. gr.]<sup>1)</sup> Með greiðslu er átt við greiðslu í hvaða formi sem er, hvort heldur greiðslu í peningum, kröfum eða öðru því sem hefur peningalegt verðgildi og látið er af hendi í stað peninga.

2. [Við innlausn eða sölu skal gera skil á greiðslu skatts af gengishækkuhlutdeildarskíteina [óháð undirliggjandi verðmætum].<sup>2)</sup>]<sup>1)</sup>

3. Aðili, sem tekur að sér lífeyristryggingar, söfnunartryggingar, skal gera skil á greiðslu skatts af tekjum af þeim [þegar þær koma til greiðslu].<sup>1)</sup> . . .<sup>1)</sup>

4. Staðgreiðsla af tekjum skv. 6. tölul. 1. mgr. 4. gr. skal fara fram þegar þær eru færðar réttthafa til tekna og lausar honum til ráðstöfunar eða þegar þær eru greiddar út.

5. . .<sup>3)</sup>

6. Sé kröfu skuldbreytt þannig að áföllnum vöxtum sé bætt við höfuðstól skal staðgreiðsla dregin af þeim vöxtum sem voru áfallnir þegar skuldbreytingin er gerð.

□ Ef einungis er borgaður hluti af áskilinni afborgun kröfum skal við það miðað að vextir séu fyrst greiddir. . .<sup>1)</sup>

□ Afdráttur staðgreiðslu af afföllum skal fara fram við hverja afborgun af kröfu þeiri sem afföllin reiknast af. Ákvæði þessarar málsgreinar takar þó ekki til affalla þegar krafa er innheimt hjá öðrum en skilaskyldum aðilum, sbr. 3. gr.

□ [Afdráttur staðgreiðslu af arði skal fara fram þegar hlutfélag greiðir arðinn eða eigi síðar en í lok þess árs þegar ákvörðun um úthlutun er tekin.]<sup>4)</sup> Með greiðslu er átt við greiðslu í hvaða formi sem er, hvort heldur í peningum, kröfu eða öðru því sem hefur peningalegt verðgildi og látið er af hendi í stað peninga.

□ [Pegar verðbréf er selt, eða afhent sem greiðsla, skal skrá á það nafn seljanda, kennitölu hans og dagsetningu sölu ásamt söluverði (kaupverði). Þegar skilaskyldur aðili skv. 3. gr. selur eða hefur milligöngu í viðskiptum með verðbréf og annast innheimtu þeirra er skráningarskyldu fullnægt með því að dagsetning og söluverð (kaupverð) er skráð með trygglegum haetti í tölvu. Þegar slík verðbréf fara úr vörlu skilaskylds aðila, áður en þau eru að fullu greidd, skal hann skrá söluverð (kaupverð) ásamt upphaflegri dagsetningu viðskiptanna á bréfin.]<sup>1)</sup>

<sup>1)</sup> L. 133/1996, 2. gr. <sup>2)</sup> L. 128/2009, 35. gr. <sup>3)</sup> L. 90/1998, 2. gr. <sup>4)</sup> L. 165/2010, 25. gr.

### Upplýsingar til réttthafa.

#### ■ 6. gr.

□ Skilaskyldur aðili skv. 3. gr. skal ávallt geta um staðgreiðslu skatts á kvittun til réttthafa vaxta og arðs skv. 4. gr. Að tekjuári liðnu og eigi síðar en 1. febrúar ár hvert skulu skilaskyldir aðilar, sbr. 1. mgr. 3. gr., láta þeim sem skattur var dreginn af samkvæmt lögum þessum í té heildaryfirlit þar sem fram komi höfuðstóll inneignar eða kröfu í árslok, vextir ársins og afdregin staðgreiðsla á þá vexti. [Ef tilgreint er á kvittun til réttthafa vaxtanna að um sé að ræða upplýsingar sem fára beri á skattframtal og heildarfjárhæð skattskyldra vaxta er undir 10.000 kr. þarf þó ekki að láta yfirlit þetta í té að tekjuári liðnu, nema réttthafi óski sérstaklega eftir því.]<sup>1)</sup> Lögaðilar, sbr. 2. mgr. 3. gr., skulu eigi síðar en 1. febrúar ár hvert gefa út hlutafjármíða þar sem fram komi m.a. staðgreiðsla næstliðins árs.

<sup>1)</sup> L. 90/1998, 3. gr.

### Greiðslutímabil og gjalddagar.

#### ■ 7. gr.

□ [Greiðslutímabil skatts samkvæmt lögum þessum skal vera þrír mánuðir, þ.e. janúar–mars, apríl–júní, júlí–september og október–desember. Gjalddagar eru 20. apríl, 20. júlí, 20. október og 20. janúar og er eindagi 15 dögum síðar.]<sup>1)</sup>

<sup>1)</sup> L. 70/2009, 5. gr.

### Innheimta.

#### ■ 8. gr.

□ Skilaskyldur aðili skv. 3. gr. skal ótilkvaddur greiða á gjalddaga skv. 7. gr. skatt samkvæmt lögum þessum.

□ Greiðslur skv. 1. mgr. skal inna af hendi til [innheimtumanns]<sup>1)</sup> ríkissjóðs í því umdæmi sem skilaskyldur aðili á lögheimili í.

<sup>1)</sup> L. 142/2018, 11. gr.

### Skilagreinar.

#### ■ 9. gr.

□ Með greiðslum skal fylgja [sundurliðuð]<sup>1)</sup> skilagrein á þar til gerðu eyðublaði eða í öðru því formi sem ríkisskattstjóri ákvæður. Aðilar skv. 3. gr. skulu skila skilagrein enda þótt enginn skattstofn sé fyrir hendi á tekjuárinu. Peir geta þó sott um undanþágu frá þessari skyldu til ríkisskattstjóra, enda hafi þeir þá ekki innheimtu á eða milligöngu með peningalegar eignir eða greiði út arð.

□ [Ríkisskattstjóri]<sup>2)</sup> skal yfirfara skilagreinar og gera á þeim leiðréttингar ef þörf krefur.

- Ef aðili framvíðar ekki fullnægjandi skilagrein innan tilskilinna tímamarka skal [ríkisskattstjóri]<sup>2)</sup> áætla skilaskylda fjárhæð hans.
- [Ríkisskattstjóri]<sup>2)</sup> skal tilkynna aðila um áætlun eða leiðrétti skv. 2. og 3. mgr.
- ...<sup>3)</sup>
- Þeir aðilar, sem staðgreiðsla er ekki dregin af, skulu gera grein fyrir vaxtatekjum og greiða tekjuskatt af þeim að tekjuári liðnu í samræmi við ákvæði X. kafla [laga nr. 90/2003, um tekjuskatt].<sup>4)</sup>

<sup>1)</sup> L. 145/2012, 5. gr. <sup>2)</sup> L. 136/2009, 84. gr. <sup>3)</sup> L. 136/2009, 85. gr. <sup>4)</sup> L. 129/2004, 119. gr.

#### Bókhald.

#### ■ 10. gr.

- Skilaskyldur aðili skv. 3. gr. skal haga bókhaldi sínu þannig að skattyfirvöld geti með auðveldum hætti staðreynt skil hans.
- [Ráðherra]<sup>1)</sup> hefur heimild til að setja reglur um sérstakt bókhald skilaskyldra aðila.

<sup>1)</sup> L. 126/2011, 226. gr.

#### Skrá um skilaskylda aðila.

#### ■ 11. gr.

- Ríkisskattstjóri skal halda sérstaka skrá um skilaskylda aðila samkvæmt lögum þessum.
- Aðili skv. 3. gr. skal innan átta daga frá því að hann tekur til starfa tilkynna ríkisskattstjóra um starfsemi sína sem þá færir viðkomandi í skrána. Ef aðili hættir starfsemi skal hann innan átta daga senda tilkynningu þar að lútandi til ríkisskattstjóra sem tekur viðkomandi út af skránni. [Aðili, sem fellur undir 1. mgr. 3. gr., getur sótt til ríkisskattstjóra um að verða ekki færður á skrá um skilaskylda aðila, enda hafi hann að óverulegu leyti með höndum innheimtu á eða milligöngu með peningalegar eignir einstaklinga. Aðilar, sem fá slíka undanþágu, skulu árlega gefa skattyfirvöldum upplýsingar um þær fjármagnstekjur einstaklinga sem þeir hafa innheimt, á því formi sem ríkisskattstjóri ákvæður.]<sup>1)</sup>
- Vanræki aðili tilkynningar skyldu sína skv. 2. mgr. skal ríkisskattstjóri úrskurða hann sem skilaskyldan aðila og tilkynna honum um það.
- Tilkynningar samkvæmt þessari grein skulu vera á þar til gerðu eyðublaði sem ríkisskattstjóri lætur gera. Ríkisskattstjóri ákvæður hvaða upplýsingar skuli gefa á þessu eyðublaði.

<sup>1)</sup> L. 133/1996, 3. gr.

#### Ábyrgð.

#### ■ 12. gr.

- Skilaskyldir aðilar skv. 3. gr. og skattskyldir aðilar skv. 2. gr. bera óskipta ábyrgð á þeim skatti sem dreginn er af fjármagnstekjum samkvæmt lögum þessum. Skattskyldur aðili ber þó ekki ábyrgð á þeim skatti sem hann sannar að skilaskyldur aðili hafi dregið af fjármagnstekjum hans.
- Aðili, sem er skilaskyldur vegna milligöngu um viðskipti, er ekki ábyrgur fyrir greiðslu skatts af fjármagnstekjum umfram þá fjárhæð sem hann raunverulega fékk í hendur.

#### Kærur.

#### ■ 13. gr.

- Rísi ágreiningur um staðgreiðslu samkvæmt lögum þessum milli skilaskylds og skattskylds aðila getur skattskyldur eða eftir atvikum skilaskyldur aðili kært staðgreiðsluna til [ríkisskattstjóra]<sup>1)</sup> innan 30 daga frá því að staðgreiðsla átti sér stað.

- [Ríkisskattstjóri]<sup>1)</sup> getur krafist af aðilum allra þeirra upplýsinga sem hann telur þörf á til að fjalla efnislega um málið og kveða upp úrskurð um það. [Ríkisskattstjóri]<sup>1)</sup> getur jafnframt krafist þriðja mann um upplýsingar hér að lútandi ef [ríkisskattstjóri]<sup>1)</sup> telur þörf á til að upplýsa málsatvik.

- Úrskurð eða ákvörðun [ríkisskattstjóra]<sup>1)</sup> má kæra til yfirliskattanefndar innan 30 daga frá og með næsta degi eftir póstlagningu tilkynningar eða úrskurðar [ríkisskattstjóra].<sup>1)</sup>

<sup>1)</sup> L. 136/2009, 84. gr.

#### Ríkisskattstjóri og skattrannsóknarstjóri ríkisins.

#### ■ 14. gr.

- Ríkisskattstjóri getur af sjálfsdáðum kannað öll atriði er varða skilaskyldu eða staðgreiðslu samkvæmt lögum þessum . . .<sup>1)</sup> svo og kannað sérhver önnur atriði er varða framkvæmd laga þessara. Getur hann í því skyni krafist allra upplýsinga og gagna sem hann telur þörf á að fá frá . . .<sup>1)</sup> [föðrum]<sup>2)</sup> innheimtumönnum ríkissjóðs, gjaldheimtum, bönkum, sparísjóðum, fjármálastofnunum eða öðrum aðilum um viðkomandi viðskipti.

- Sömu heimildir hefur skattrannsóknarstjóri ríkisins varðandi rannsóknir á greiðslu- og skattskilum samkvæmt lögum þessum.

<sup>1)</sup> L. 136/2009, 86. gr. <sup>2)</sup> L. 142/2018, 12. gr.

#### Upplýsingaskylda, heimildir til skatteftirlits og skattrannsókna.

#### ■ 15. gr.

- Öllum aðilum, bæði framtalsskyldum og öðrum, er skilt að láta skattyfirvöldum í té, ókeypis og í því formi sem óskad er, allar nauðsynlegar upplýsingar og gögn er þau beiðast og unnt er að láta þeim í té. Skiptir ekki máli í því sambandi hvort upplýsingarnar varða þann aðila sem beiðninni er beint til eða þau skipti annarra aðila við hann er hann getur veitt upplýsingar um og varða greiðslu- og skilaskyldu þeirra aðila. Með skattyfirvöldum í þessari grein er átt við [ríkisskattstjóra og skattrannsóknarstjóra ríkisins].<sup>1)</sup>

- Vegna skatteftirlits [og innheimtu, þ.m.t. kyrrsetningar],<sup>2)</sup> samkvæmt lögum þessum [er ríkisskattstjóra heimilt að krefjast]<sup>1)</sup> þess að framtals- og skilaskyldir aðilar leggi fram til könnunar bókhald sitt og bókhaldsgögn, svo og önnur gögn er varða reksturinn, þar með talin bréf og samninga. Enn fremur [hefur ríkisskattstjóri]<sup>1)</sup> aðgang að framangreindum gögnum og aðgang að starfsstöðvum framtalsskyldra aðila og heimild til að taka skyrslur af hverjum þeim sem ætla má að geti gefið upplýsingar er máli skipta. Sömu heimildir hefur skattrannsóknarstjóri ríkisins vegna rannsókna skv. 16. gr. [Skattrannsóknarstjóri ríkisins getur í þágu rannsóknar máls leitað úrskurðar héraðsdóms um leit og halldagningu gagna á heimilum og öðrum stöðum sem 2. málsl. tekur ekki til].<sup>3)</sup>

- Skattyfirvöld hafa enn fremur heimildir þær, er um getur í 2. mgr., gagnvart þeim aðilum sem ekki eru framtalsskyldir.

- Nú verður ágreiningur um skyldu aðila samkvæmt þessari grein og getur ríkisskattstjóri eða skattrannsóknarstjóri ríkisins þá leitað um hann úrskurðar héraðsdóms. Gegni einhver ekki upplýsingaskyldu sinni má vísa máli til [rannsóknar lögreglu].<sup>4)</sup>

<sup>1)</sup> L. 136/2009, 87. gr. <sup>2)</sup> L. 142/2018, 13. gr. <sup>3)</sup> L. 165/2010, 26. gr. <sup>4)</sup> L. 88/2008, 234. gr.

#### Skatteftirlit, skattrannsóknir.

#### ■ 16. gr.

- [Ríkisskattstjóri annast skatteftirlit.]<sup>1)</sup> Telji [ríkisskattstjóri]<sup>2)</sup> að skattsvik, eða önnur refsiverð brot á lögum þess-

um, hafi verið framin skal hann tilkynna það skattransóknarstjóra ríkisins sem tekur ákvörðun um framhald máls. . .<sup>1)</sup>

□ Skattransóknarstjóri ríkisins getur hafið rannsókn á hverju því atriði er varðar greiðslu- og skilaskyldu samkvæmt lögum þessum. Hann skal annast rannsóknir í málum sem [ríkisskattstjóri] vísar til hans skv. 1. mgr. svo og 6. mgr. 96. gr.]<sup>1)</sup> [laga nr. 90/2003, um tekjuskatt].<sup>3)</sup>

□ Þegar aðgerðir skattransóknarstjóra ríkisins gefa tilefni til breytinga á greiðslu- og skilaskyldu samkvæmt lögum þessum skal ríkisskattstjóri annast framkvæmd hennar . . .<sup>1)</sup>

<sup>1)</sup> L. 136/2009, 88. gr. <sup>2)</sup> L. 136/2009, 84. gr. <sup>3)</sup> L. 129/2004, 120. gr.

#### Álag og dráttarvextir.

##### ■ 17. gr.

□ Séu greiðslur samkvæmt lögum þessum eigi inntar af hendi á tilskildum tíma skal [ríkisskattstjóri]<sup>1)</sup> gera skilaskyldum aðila að sæta á lagi til viðbótar þeim skatti sem honum bar að standa skil á. Sama gildir ef skilagrein hefur ekki verið skilað eða henni verið ábótavant og skattur því verið áætlaður, sbr. 3. mgr. 9. gr., nema skilaskyldur aðili hafi greitt fyrir eindaga fjárhæð er til áætlunarinnar svarar.

□ Álag á vanskilafé skv. 1. mgr. skal vera sem hér segir:

1. Einn hundraðshlut af fjárhæð vanskilafjár fyrir hvern dag eftir eindaga, þó ekki hærra en tíu hundraðshlutar.

2. [Álag til viðbótar af upphæð vanskilafjár reiknað frá og með gjalddaga, hafi ekki verið greitt á 1. degi næsta mánaðar eftir eindaga. Skal álag þetta vera sama og dráttarvextir sem Seðlabanki Íslands ákveður og birtir, sbr. 6. gr. laga nr. 38/2001, um vexti og verðtryggingu].<sup>2)</sup>

□ Við útreikning á á lagi á áætlaða greiðsluskylda fjárhæð telst eindagi vera sá sami og eindagi greiðslu þess árs sem áætlað er fyrir. Sama gildir um álag á allar vangoldnar greiðslur fyrrí ára.

□ Sendi skilaskyldur aðili fullnægjandi skilagrein innan 15 daga frá og með dagsetningu tilkynningar [ríkisskattstjóri]<sup>1)</sup> skv. 2. mgr. 9. gr. skal hann greiða fjárhæð skilafjár samkvæmt skilagreinum ásamt á lagi, sbr. 2. mgr. [Ríkisskattstjóri]<sup>1)</sup> má breyta fyrri áætlun eftir lok þessara tímamarka ef sérstakar ástæður eru fyrir hendi. Ef bókhaldi er ekki hagad í samræmi við ákvaði 10. gr. má áætla skilaskyldum aðila skilaskylda fjárhæð.

□ Komi í ljós að skilaskyldum aðila, sem greiða átti skilafé, hafi ekki verið áætluð skilaskyld fjárhæð eða áætlun verið lægri en það skilafé sem honum bar að greiða skal hann greiða hið skilaskylda skilafé auk álags skv. 2. mgr.

□ Fella má niður álag skv. 2. mgr. ef skilaskyldur aðili færir gildar ástæður sér til afsökunar og metur [ríkisskattstjóri]<sup>1)</sup> það í hverju einstöku tilviki hvað telja skuli gildar ástæður í þessu sambandi. Innan 30 daga frá og með næsta degi eftir póstlagningu úrskurðar [ríkisskattstjóra]<sup>1)</sup> er heimilt að áfrýja mati hans til yfirskattanefndar sem kveður upp endanlegan úrskurð.

□ Sé skattur samkvæmt lögum þessum vanreknaður má gera skilaskyldum aðila að greiða vanskilafé sex ár aftur í tímann, talið frá byrjun þess árs þegar endurreikningur fer fram. Fari fram rannsókn á skilum skilaskylds aðila nær heimild til endurreiknings til sex ára aftur í tímann, talið frá byrjun þess árs þegar rannsókn hófst.

<sup>1)</sup> L. 136/2009, 84. gr. <sup>2)</sup> L. 133/2002, 4. gr.

#### Innheimta vanskilafjár o.fl.

##### ■ 18. gr.

□ Vanskilafé, álag og sektir samkvæmt lögum þessum skal

innheimt af innheimtumanni ríkissjóðs í því umdæmi þar sem skuldari á lögheimili eða hefur starfsstöð.

□ Vanskilafé, álag og sektir njóta fjárnámsréttar í eignum skuldara.

□ [Aðrir innheimtumenn ríkissjóðs skulu]<sup>1)</sup> senda skilagrein til [ríkisskattstjóra]<sup>2)</sup> yfir það fé er [þeir hafa]<sup>1)</sup> móttekið samkvæmt ákvæðum þessara laga. Innheimtu vanskilafé og álagi skal haldað aðgreindu á sérstökum reikningi þar til skilagrein berst frá skilaskyldum aðila.

□ Innheimtumaður ríkissjóðs getur látið löggreglu stöðva attvinnumerkstur skilaskylds aðila sem ekki gerir fullnægjandi skil á skilafé eða á lagi skv. 17. gr. innan 15 daga talið frá eindaga eða frá úrskurði skattyfirvalda um vanskil og álag, með því m.a. að setja starfsstöðvar, skrifstofur, útibú, tæki og vörur undir innsigli þar til full skil hafa verið gerð.

<sup>1)</sup> L. 142/2018, 14. gr. <sup>2)</sup> L. 136/2009, 84. gr.

#### Refsingar.

##### ■ 19. gr.

□ Skýri skattskyldur eða greiðsluskyldur maður af ásetningi eða stórkostlegu hirðuleysi rangt eða villandi frá einhverju því er málí skiptir um staðgreiðsluskil hans skal hann greiða físekt allt að tífaldri þeirri skattfjárhæð sem vanrækt var greiðsla á og aldrei lægri físekt en nemur tvöfaldri skattfjárhæðinni. Stórfellt brot gegn ákvaði þessu varðar við 1. mgr. 262. gr. almennra hegningarlaga.

□ Hver sá skilaskyldur aðili, sem af ásetningi eða stórkostlegu hirðuleysi skýrir rangt eða villandi frá einhverju því er málí skiptir um staðgreiðsluskil sín, hefur ekki haldið eftir staðgreiðslu af vaxtatekjum og arði samkvæmt lögum þessum eins og honum bar, hefur ekki afhent skilagreinar á lög-mæltum tíma eða hefur ekki innt af hendi þá staðgreiðslu af vaxtatekjum og arði samkvæmt lögum þessum sem hann hefur haldið eftir eða honum bar að halda eftir, skal greiða físekt allt að tífaldri þeirri skattfjárhæð sem hann vanrækti að halda eftir eða standa skil á og aldrei lægri físekt en nemur tvöfaldri skattfjárhæðinni nema þyngri refsing liggi við brotinu eftir 247. gr. almennra hegningarlaga. [Fésekartlálgmark samkvæmt þessari málsgrein á ekki við hafi brot einskorðast við að standa ekki skil á réttilega tilgreindri staðgreiðslu samkvæmt skilagrein, enda hafi verið staðin skil á verulegum hluta skattfjárhæðar eða málsbætur eru miklar.]<sup>1)</sup> Álag skv. 17. gr. dregst frá sektarfjárhæð. Stórfellt brot gegn ákvaði þessu varðar við 1. mgr. 262. gr. almennra hegningarlaga.

□ Hafi skilaskyldur aðili af ásetningi eða stórkostlegu hirðuleysi vanrækt að halda bókhald skv. 10. gr. varðar það brot við refsíakvaði laga um bókhald en við 2. mgr. 262. gr. almennra hegningarlaga sé um meiri háttar brot að ræða.

□ Ef maður af ásetningi eða stórkostlegu hirðuleysi vanræktir tilkynningar skyldu sína skv. 11. gr., upplýsingaskyldu skv. 15. gr., vanrækir að veita upplýsingar eða láta í té aðstoð, skilagreinar, skýrslur eða gögn, svo sem ákveðið er í lögum þessum, skal hann sæta sektum eða [fangelsi allt að 2 árum].<sup>2)</sup>

□ Skýri skilaskyldur aðili af ásetningi eða stórkostlegu hirðuleysi rangt eða villandi frá einhverju er varðar skilaskyldu hans má gera honum sekt þótt upplýsingarnar geti ekki haft áhrif á skilaskyldu hans eða greiðsluskil. Sömu refsingu varðar það skattskyldan aðila (réttihafa) sem lætur greiða sér vaxtatekjur eða arð samkvæmt lögum þessum, vitandi um að skilaskyldur aðili hefur eigi haldið eftir staðgreiðslu af þessum tekjum sem skylt er samkvæmt lögum þessum, eða skýrir rangt eða villandi frá einhverju er varðar

skilaskyldu eða greiðsluskyldu vegna hans þótt upplýsingarnar geti ekki haft áhrif á þessi skil.

□ Verði brot á 1. eða 2. mgr. ákvæðisins uppvist við skipti dánarbús skal greiða úr búinu físekt, allt að fjórfaldri þeirri skattfjárhæð sem vanrækt var greiðsla á og aldrei lægri físekt en nemur skattfjárhæðinni að viðbættum helmingi hennar. Álag skv. 17. gr. dregst frá sektarfjárhæð. Sé svo ástatt sem segir í 5. mgr. má gera búinu sekt.

□ Hver sá sem af ásetningi eða stórkostlegu hirðuleysi lætur skattyfirvöldum í té rangar eða villandi upplýsingar eða gögn varðandi skilaskyldu annarra aðila eða aðstoðar við ranga eða villandi skýrslugjöf til skattyfirvalda skal sæta þeirri refsingu er segir í 1. eða 2. mgr. þessarar greinar.

□ Tilraun til brota eða hlutdeild í brotum á lögum þessum er refsiverð eftir því sem segir í III. kafla almennra hegningarlaga og varðar físektum allt að hámarki því sem ákvæðið er í öðrum ákvæðum þessarar greinar.

□ Gera má lögaðila físekt fyrir brot á lögum þessum óháð því hvort brotið megi rekja til saknæms verknaðar fyrirsvarsmanns eða starfsmanns lögaðilans. Hafi fyrirsvarsmaður hans eða starfsmaður gerst sekur um brot á lögum þessum má auk refsingar, sem hann sætir, gera lögaðilanum sekt og sviptingu starfsréttinda, enda sé brotið drýgt til hagsbóta fyrir lögaðilann eða hann hafi notið hagnaðar af brotinu.

<sup>1)</sup> L. 134/2005, 6. gr. <sup>2)</sup> L. 82/1998, 227. gr.

#### Málsmeðferð og fyrningarreglur:

##### ■ 20. gr.

□ Sektir skv. 19. gr. skulu úrskurðaðar af yfirskattanefnd nema máli sé vísað til ...<sup>1)</sup> rannsóknar og dómsmeðferðar skv. [4. mgr.]<sup>2)</sup> Skattrannsóknarstjóri ríkisins sendir yfirskattanefnd mál til úrskurðar. Við meðferð mála hjá yfirskattanefnd skal veita sakborningi færí á að halda uppi vörnum. Úrskurðir yfirskattanefndar eru fullnaðarúrskurðir og fylgir þeim ekki vararefsing.

□ [Prátt fyrir ákvæði 1. mgr. er skattrannsóknarstjóra ríkisins eða löglærðum fulltrúa hans heimilt að gefa aðila kost á að ljúka refsimeðferð mál með því að greiða sekt til ríkissjóðs, enda sé talið að brot sé skýlaust sannað, og verður máli þá hvorki vísað til [rannsóknar löggreglu]<sup>1)</sup> né sektarmeðferðar hjá yfirskattanefnd. Við ákvörðun sektar skal hafa hliðsjón af eðli og umfangi brota. Sektir geta numið frá 100 þús. kr. til 6 millj. kr. Aðila skulu veittar upplýsingar um fyrirhug-aða sektarfjárhæð áður en hann fellst á að ljúka máli með þessum hætti. Sektarákvörðun samkvæmt ákvæði þessu skal lokið innan sex mánaða frá því að rannsókn skattrannsóknarstjóra lauk.

□ Vararefsing fylgir ekki ákvörðun skattrannsóknarstjóra ríkisins. Um innheimtu sektar sem ákvæðar eru af skattrannsóknarstjóra gilda sömu reglur og um innheimtu vanskilafjár og álags samkvæmt lögum þessum. Einnig má beita 4. mgr. 18. gr. eftir því sem við á. Senda skal ríkissaksóknara skrá yfir mál sem lokið er samkvæmt þessu ákvæði. Telji ríkissaksóknari að saklaus maður hafi verið láttinn gangast undir sektarákvörðun skv. 2. mgr. eða málalok hafi verið fjarstæð að öðru leyti getur hann borið málið undir dómara til ónyttingar ákvörðun skattrannsóknarstjóra.]<sup>2)</sup>

□ [Héraðssaksóknari]<sup>3)</sup> fer með frumrannsókn [sakamála]<sup>1)</sup> vegna brota á lögum þessum. Skattrannsóknarstjóri ríkisins getur vísað máli til [rannsóknar löggreglu]<sup>1)</sup> af sjálfsdáðum, svo og eftir ósk sakbornings ef hann vill ekki hlíta því að mál hans verði afgreitt af yfirskattanefnd skv. 1. mgr.

□ [Greiðslukröfu má hafa uppi og dæma í sakamáli vegna brota á lögunum.]<sup>1)</sup>

□ Sektir fyrir brot gegn lögum þessum renna í ríkissjóð. Um innheimtu sektar, er yfirskattanefnd úrskurðar, gilda sömu reglur og um innheimtu vanskilafjár og álags eftir lögum þessum. Einnig má beita ákvæðum 4. mgr. 18. gr. eftir því sem við á.

□ Sök skv. 19. gr. fyrnist á sex árum miðað við upphaf rannsóknar á vegum skattrannsóknarstjóra ríkisins eða Rannsóknarlöggreglu ríkisins, enda verði ekki óeðlilegar tafir á rannsókn málss eða ákvörðun refsingar. [Þó fyrnist sök skv. 19. gr. vegna tekna og eigna í lágskattaríkjum á tíu árum.]<sup>4)</sup>

<sup>1)</sup> L. 88/2008, 234. gr. <sup>2)</sup> L. 134/2005, 7. gr. <sup>3)</sup> L. 47/2015, 30. gr. <sup>4)</sup> L. 112/2016, 10. gr.

##### ■ [20. gr. a.]

□ Til tryggingar greiðslu væntanlegrar kröfу um staðgreiðsla skatts á fjármagnstekjur, físektar og sakarkostnaðar í málum er seta rannsókn hjá skattrannsóknarstjóra ríkisins er heimilt að krefjast kyrsetningar hjá skattaðila og öðrum þeim sem rökstuddur grunur um refsiverða háttsemi skv. 19. gr. beinist að ef hættu þykir á að eignum verði ella skotið undan eða þær glatist eða rýrni að mun, enda megi ætla að meint refsiverð háttsemi varði við 262. gr. almennra hegningarlaga.

□ [Ríkisskattstjóri]<sup>1)</sup> annast rekstur mála skv. 1. mgr. Skattrannsóknarstjóri ríkisins skal tilkynna [ríkisskattstjóra]<sup>1)</sup> um mál þar sem hann telur að rannsókn hans muni leiða til þess að staðgreiðsla skatts á fjármagnstekjur hjá skattaðila verði hækkuð eða honum eða öðrum þeim sem grunur um refsiverða háttsemi skv. 19. gr. beinist að verði gerð físekt. ...<sup>1)</sup> Um framkvæmd og gildi kyrsetningar fer sem um kyrsetningu fjármuna almennt sé að ræða, með þeim undantekningum að tryggingu þarf ekki að setja, mál þarf ekki að höfða til staðfestingar kyrsetningu og gjöld skal ekki greiða fyrir ráðstafanirnar.

□ Kyrrsetning fellur niður ef rannsókn leiðir ekki til þess að staðgreiðsla skatts á fjármagnstekjur skattaðila verði hækkuð eða honum eða öðrum þeim sem rökstuddur grunur um refsiverða háttsemi skv. 19. gr. beinist að verði gerð físekt hvort sem er af skattyfirvöldum eða fyrir dómi. Sá er kyrsetning beinist að á þá heimtingu á að felldar verði úr gildi þær ráðstafanir sem gerðar hafa verið til tryggingar kyrsetningunni. Kyrrsetning fellur á sama hátt niður ef inntar eru af hendi þær greiðslur sem kyrsetning á að trygga.

□ Leggja má fyrir héraðsdóm ágreining um lögmæti kyrrsetningargerðar með sama hætti og greinir í 2. mgr. 102. gr. laga um meðferð sakamála.]<sup>2)</sup>

<sup>1)</sup> L. 142/2018, 15. gr. <sup>2)</sup> L. 24/2011, 3. gr.

#### Uppgjör staðgreiðslu:

##### ■ 21. gr.

□ Ákvæði VIII. kafla laga nr. 45/1987, um staðgreiðslu opinberra gjalda, með síðari breytingum, um ákvörðun skatts af vöxtum og arði, uppgjör staðgreiðslu af þeim tekjum og innheimtu þeirra [og skuldajöfnun á móti gjaldföllnum sköttum og gjöldum til ríkis og sveitarfélaga]<sup>1)</sup> skulu gilda eftir því sem við á.

<sup>1)</sup> L. 50/2018, 10. gr.

#### Reglugerðarheimild.

##### ■ 22. gr.

□ [Ráðherra]<sup>1)</sup> getur með reglugerð<sup>2)</sup> kveðið nánar á um framkvæmd laga þessara.

<sup>1)</sup> L. 126/2011, 226. gr. <sup>2)</sup> Rg. 373/2001, sbr. 334/2006.

*Gildistaka.***■ 23. gr.**

- Lög þessi öðlast þegar gildi og koma til framkvæmda 1. janúar 1997.

**■ 24. gr. Ákvæði til bráðabirgða.****■ I. ...****■ [II.]**

- Við ákvörðun á fjárhæð áfallinna vaxta á kröfum og verðbréf skal þess gætt að færa uppreiknað verð, þ.e. eftirstöðaverð, með áföllnum verðbótum og vöxtum á viðkomandi skjal við greiðslu eða fyrstu afborgun eftir 1. janúar 1997.

- Uppreiknað verð á verðbréfum sem uppfylla skilyrði um skráningu á Verðbréfaþingi Íslands, sbr. V. kafla laga nr. 11/1993, skal miðast við vegið meðaltal viðskipta í einstökum flokkum verðbréfa sem fram fara á tímabilinu 15. nóvember til 15. desember 1996 á Verðbréfaþingi Íslands, þar með talin tilkynnt viðskipti fyrir sama tímabil.

- Uppreiknað verð á kröfum eða verðbréfi sem ekki er skráð á Verðbréfaþingi Íslands, sbr. V. kafla laga nr. 11/1993, og ber lægri nafnvexti en 5% skal ákvárðað sem nafnverð kröfunnar eða eftirstöðvar verðbréfsins 31. desember 1996, að teknu tilliti til 5% ávöxtunar á ári til loka lánstíma. Ef rétthafi vaxta getur sýnt fram að ávöxtun kröfum eða verðbréfs sé lægri en greinir í 1. másl. þessarar málsgreinar getur hann farið fram

á leiðréttingu til samræmis við raunverulega ávöxtun. Slík leiðréttiing skal gerð við álagningu að tekjuári liðnu. Þannig ákvárðað og uppreiknað verðmæti kröfum eða verðbréfs telst upphafsvverð 1. janúar 1997 við staðgreiðslu fjármagnstekná. Krafa eða verðbréf sem bera nafnvexti 5% eða hærri skulu skattlöggð samkvæmt því.

Skuldaviðurkennigar, sem teknar eru sem greiðsla söluandvirðis samkvæmt kaupsamningi og eru í eigu seljanda, skulu metnar á uppreiknuðu verði í árslok 1996, sbr. þó 2. másl. lokamálsgreinar 5. gr.]<sup>1)</sup>

<sup>1)</sup> L. 133/1996, 4. gr.

**■ [III.]**

Frá og með 1. júlí 2009 skal skilaskyldum aðilum skv. 3. gr. skylt að halda eftir 15% skatti af staðgreiðsluskyldum fjármagnstekjum skattskyldra aðila, sbr. 2. gr., sem til falla eftir 1. júlí 2009 af eldri kröfum, sem og kröfum sem stofn- að er til eftir það, sbr. 4. og 5. gr. Af fjármagnstekjum sem falla til fyrir 1. júlí 2009 reiknast 10% fjármagnstekjuskattur. [Ráðherra]<sup>1)</sup> er heimilt að setja í reglugerð nánari reglur um framkvæmd þessa ákvæðis.

Prátt fyrir ákvæði 5. gr. laga þessara skal gjalddagi greiðslutímabils frá og með 1. janúar til 30. júní 2009 vera 20. júlí 2009 og eindagi 15 dögum síðar.]<sup>2)</sup>

<sup>1)</sup> L. 126/2011, 226. gr. <sup>2)</sup> L. 70/2009, brbákv. III.